

مجموعه ابو الضحی

ماسوا شایسته شدن دلی تطهیر به چالش
بر تو حکمت و عرفان ابله تنویر آتش

هر ماه عربی ابتدای سیله اون بشنده نشر اول نور فنون مجموعه سیدر

جزو ۳۹ [فی غره صفر سنه ۱۳۰۲] نسخه سی ۳ غروش

اولان بدبخت اولاد و عیالی اوزرینه اولان حقوقدن کلیاً محروم اوله رق
منفاسنده ایسترایسه اولنمکه و زوجه متروکسی دخی شخص آخر ایله
ازدواجه مآذون بولور.

سبرایه نفی ایدیلا نلرک دوچار اولدقاری حالات طاقفرسانک الک
بلالیسی منفالزینه وصوله قدر چکدکلری محن و مشاقدیر. بوسیاحت
عظمی انناسنده بلکه بیگلرجه انسانک تیفسوس و اسقوریت کبی علل
مهلکهیه کرفتار اولمقدن و یاخود مشاق سفریهیه تاب آور اوله مامقدن ترک
حیات ایلدیکی کورولمشدر.

روسیه ده حاملر

« حاملر حافظ صحتدر » سوزی الک قدیم حفظ الصحه کتابلرینک
قواعد اساسیه سی صره سنده مقیددر. انساننی حسن طبعیه سی حاره بارد و یا دگر صولرنده استحمامه سوق
ایدر. بدن انسانه بخش ایلدکلری راحت و بعضی علل و امراضک دفعنه
ایستدکلری خدمتدن طولانی حاملر ازمئه قدیمه ده مؤسسات جسیه بلدییه
صره سنه گیرمشدی.

آته ده حاملر (ژیمناس) یعنی ریاضت بدنیه مکتبباری اتصالننده
انشا اولندیکی کبی رومالیر نزدنده حمام حوایج ضروریه صره سنه کچمش
اولدیغندن هر شهر و قصبه ده متعدد حاملر بنا اولنور ایدی. هله روماده
ایمپراطورلره مخصوص اولان حاملر جسامت و زینتجه دنیانک الک مزین
و مکمل حاملرینه فائق ایدیلر. ایمپراطور قاراقالا طرفندن انشا ایدیلان
حاملرک خرابه لری الیوم موجود اوله رق تماشایدناری دوچار حیرت
ایتمکده در.

اکثر تأسیسات مدنییه اولدینی کبی حمام خصوصنده دخی روسیه
مالکی هنوز بر حال ابتدائیده بولغنده در . روسیه حاملری علی العموم
بیوجک برر اوطه شکننده اوله رقی بر کوشه سنده طوغله دن معمول و درت
کوشلی بر صوبه بی حاویدر .

حالت حکمنده اولان بو اوطه لرده کی حرارت نهایت یکریمی بش
درجه ده بولدیغندن حاملره مخصوص اولان درجه حرارتی بولق ایچون
ذکر اولنان صوبه لک درونه وضع ایدلمش و آلتده یانان آتشله قزمش
اولان چاقل طاشلرینه بر قاق قوغه صفوق صو آتیه رقی بخار حصوله
کیرمک اقتضا ایدر .

اشبو بخار ایله حصوله کتیریلان حرارتی ترید و یا تنقیص ایچون
بر ناظم و یا خود منفس اولدینی جهتله حالتک دروننده تختهدن یانلمش
اولان و سطحنه قدر بر قاق باصامنی حاوی بولنان سریرلک هر قدمه سی
یکدیگرینه نسبتله بر درجه حرارت مخصوصدر . چونکه بخار بالطبع هوای
نسیدن ده خفیف اوله رقی یوقاری یه طوغری صعود ایده جکندن
آشاغی یه نسبت یوقاری طرفلک حرارتی ده زیاده بولسور . بناءً علیه
اشاغینک حرارتی کافی بولمیان و یا خود ترمک ایستیان ایستدیکی باصامغه
و یا خود سریرلک اوزرینه چیقهرقی تحملی نسبتده توقفدن صگره آشاغی یه
اینه رک دیوارلرده موجود اولان موصلقلرک آلتده بیوک طاشلرله دوکندیکی
صو ایله ییقانیر .

روسیه نک بونوع حاملرینه ، کار قدیم اولقله برابر الیوم ایچ روسیه ده
بولنان فرونلر نسبتله ینه حمام اطلاق اولنه بیلیر .

درد دیوار و بر کمردن عبارت بولنان واسع بر اوطه نک دیوارلرنده
حجره به مائل اولان برر دلیکک آرقه سنده یاقیلان آتشدن بو حجره لری
تشکیل ایدن طاشلر فرونلر مخصوص اولان بر درجه حرارت و اصل
اولدقلرندن بو حجره لره متصل قوغه قوغه صو دوکیله رک اوطه نک درونی

سکسان طقسان درجه حرارته بالغ اولور . ایسته موسقوفلر دوزخ ثمن اولان بوفرونه دخول ایله قیپ قرمزی اولنجیه قدر اوطورلر . و نهایت کندیلرنجه تحمل درجه لری پکنجه بردنبره چر چلاق طیشاری اوغرایه رق قیش ایسه قار ایچنده یوارلنورلر و یاز ایسه صغوق صویه آتیلرلر . بو حال ایکی اوج ساعت ظرفنده درت بش دفعه تکرار ایدیلر و کویا بونکله استخمام ایتش اولورلر .

روسه لیلرک بوسورتله اولان استخماملری شمالی آمریکا وحشیلرینک اصول استخمامنه تمایله مطابقدر . چونکه وحشیلرک ساکن اولدقلری محللرده تحت التراب بومثللو فرونار اوله رق اقتضا ایتدکجه فرونلری تسخین ایدرلر و صودوکه رک بخار حصوله کتیردکن صکره دروننه کیروب ترلرلر .

استانبولده ایلک انجمن علوم

دولتو جودت پاشا حضرتلرینک تحریرینه مأمور اولدقلری تاریخک خاتمه سی اولوب بو کره نشر اولتان اون ایکنجی جلدنده تصادف ایتدیکمز بر فقره درکه تاریخ معارفی تزیین ایده جک تحقیقاتدن بولسیدنی حیثیله تنقیحاً مجموعه مزه نقل اولندی .

فقره

« بروجه بالا بکتاشیلرک نفی صره سنده غریبدرکه آناطولی پایه لو . لرندن ملک پاشا زاده عبد القدر بک و مکرمه پایه لولرندن وقعه نویس سابق شانی زاده محمد عطاء الله افندی و شق ثالث دفترداری مشهور اسماعیل فرخ افندی دخی بکتاشیلرکله اتهام اولنه رق عبد القدر بک مغنیسایه و شانی زاده مننه و فرخ افندی بروسه یه نفی اولندیلر . فقط فرخ افندی